

Dangui Oduber:
CONSENSUSRIJKSWET
HOFA TA TORNO NOS
STATUS APARTE Y KITA NOS
LIBERTAD!



WWW.SOLODIPUEBLO.COM



SOLODIPUEBLO@GMAIL.COM

Partido MEP

MINISTER GERLIEN CROES CU OTRO “SNOEP REIS” PA HULANDA PA 2 DIA!



Y un bes mas primicia den loke ta cera kaak di un mucha
**HOH TA RICIBI SCHISISTEAM DI
HULANDA NA ARUBA PA DI SHETE BIAHA**

Cu debe di 19 miyon florin cu gobierno

BUSINESS NO POR SIGUI AS USUAL NA ARUBUS N.V.

Segun Parlamentario John Hart



**‘INFORMACION BOU PRESION’ TA
SIGUI CU SU TERCER SESION NA
UNIVERSIDAD DI ARUBA**



'INFORMACION BOU PRESION' TA SIGUI CU SU TERCER SESION NA UNIVERSIDAD DI ARUBA

E serie di sesion publico titula 'Informacion bou Presion', organisa pa Red Arubiano di Prensa Profesional (RAPP) den colaboracion cu Universidad di Aruba y Netwerk Mediawijsheid, ta sigui e siman aki cu su tercer sesion.


Den e sesion aki, Veiligheidsdienst Aruba lo ta representa pa su Interim Chief Security Officer Marylin Spagnol-de Kort, cu lo papia tocante na ki manera desinformacion, deepfakes y atakenan cybernetico por afecta seguridad nacional.

E evento lo tuma lugar diamars 28 di Oktober 2025, pa 7:30 – 9:00 PM na Universidad di Aruba (LSB Aula). Entrada ta gratis.

E comunidad ta invita cordialmente pa tuma parti den e dialogo y sigui e conversacionnan

cu periodistanan, expertonan y representante di institutonan na Aruba.

E serie aki ta dedica na crea dialogo riba e tema di desinformacion, su efecto riba seguridad nacional, y e manera cu nos por construi un comunidad mas resiliente contra noticianan falso, deepfakes y manipulacion digital. E tin como meta pa aumenta alfabetisacion di medianan di comunicacion y fortalece e habilidad di e publico pa mitiga desinformacion na Aruba. E ta un colaboracion entre Universidad di Aruba, Red Arubiano di Prensa Profesional (RAPP), cu apoyo di Netwerk Mediawijsheid y diferente (media) partners pa informa, educa y dialoga cu comunidad y fortalece e alfabetisacion riba e tema di desinformacion.



28 October

Lecture Series
Information Under Pressure/ Informacion Bou Presion

Speaker
Marylin Spagnol - De Kort
Interim Chief Information Security Officer (CISO)
Government of Aruba
The National Security Service of Aruba

7:30-9:00 PM - Entrance: Free - LSB Aula, UA

Logos: Netwerk Mediawijsheid, RAPP, GGGI (Good Governance & Leadership), University of Aruba, Stichting Deugdelijk Bestuur Aruba, Telearuba, VSA Veiligheidsdienst Aruba.

POLIS A HAYA CURSO BASICO DI ANALISA INFORMACION



Oranjestad, ARUBA: "Vastleggen Basis". E Cuerpo Policial siman pasa tabata tin un curso yama

ora di traha un rapport, analisa informacion y conducta profesional den e practica investigativo.

Pa KPA esaki ta algo hopi importante pa keda educa y profesionalisa nos personal. E curso a wordo duna pa Inspecteur sr. Humphrey Koolman y Inspecteur sra A. Cannagieter. E curso a ser duna na personal di Aruba, Curacao, Sint Maarten y islanan BES



Cu e curso aki e Cuerponan den Caribe ta dal un paso importante pa por sigui profesionalisa den e parti di investigacion den e region di Caribe.

Partido MEP

MINISTER GERLIEN CROES CU OTRO “SNOEP REIS” PA HULANDA PA 2 DIA!



E noticia di Minister Gerlien Croes, cu e ta bay Hulanda pa dos dia so e siman aki, tabata topico di conversacion tur caminda! Segun notificacion di su oficina, e ta bay pa atende Rijks Ministerraad di diabierna 31 oktober. Un biahe sin tin mester, pasobra tin eleccion na Hulanda diaranson awor 29 oktober, kieren dos

dia despues lo no tin ningun hende pa atende e minister di Aruba ATROBE!

Su prome dienstreis pa Hulanda na juni di dos siman a resulta di ta un snoep reis, di cual te dia di awe e no a duna Parlamento e detayes di e biahe, e gastonan total ni e acuerdonan cu el a logra.

Apesar cu Parlamento a puntre na varios ocasion.

Ya e biaha ey caba e no a wordo atendi pa NINGUN minister na Den Haag pasobra gobierno a cai.

Awor e ta bolbe bay pa un reunion cu formalmente e ni tin autoridad pa

atende. Segun Statuut ta e Minister Plenipotenciario ta autorisa pa atende e reunion di Consejo di Minister di Reino.

Y minister presidentenan semper por atende. Den e caso aki ta un otro minister ta bai sin cu tin un motibo urgente.

Loke a causa mas rabia ta e gastonan pa e biahe aki cu ta riba 25 mil florin pa e minister so.

Hendenan a reaccionan hopi indigna con e gobierno aki ta malgasta asina tanto placa na snoepreisjes y pa colmo, no kier duna cuenta di cuanto e gastonan ta.



TRABOU DI MANTENCION RIBA LIÑA DI DISTRIBUCION MATIVIDIRI

Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

**Diahuebs, 30 di oktober 2025
8:30 AM te cu 10:30 AM**

Den vecindario di:

- Ayo
- Cashero (un parti)
- Matividiri
- Rooi Prikichi (un parti)
- Seroe Pita (un parti)
- Siribana (un parti)
- Sjabururi (un parti)
- Santa Cruz (un parti)
- Sta. Lucia (un parti)
- Zumbo
- Seroe Padua

**Diahuebs, 30 di oktober 2025
8:30 AM te cu 3:30 PM**

Den vecindario di:

- Ayo (un parti)
- Matividiri (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan afecta.

Danki pa e comprension.



Clasificados

SOLODIPUEBLO@GMAIL.COM
CEL. 585 9500

CLASSIFIEDS

SOLO Di Pueblo

Cu debe di 19 miyon florin cu gobierno

BUSINESS NO POR SIGUI AS USUAL NA ARUBUS N.V.

Segun Parlamentario John Hart

ORANJESTAD (26 di october 2025) – Parlamentario John Hart ta preocupa cu e situacion di transporte publico na Aruba. Segun declaracion di minister Dowers den Arubus tin indicacion cu tin basta asunto pa ahusta pa motibo di e mal maneho den pasado di mandatario anterior.

“Un reto grandi pa atende cu ne den nos transporte publico ta Arubus, primordialmente e reto financiero precario,” parlamentario Hart a declara. Segun informacion, Arubus tin un debe na gobierno di 19 miyon florin.

Hart a indica cu transporte publico mester ta sigur,

accesibel y eficiente pa tur hende, tanto pa ciudadano y turista. Pero pa promove y garantisa e meta aki, ta necesario pa haci un revision di leyman existente, gobierno mester atende cu e maneho di departamentonan concerni y tambe mester atende cu e situacion financiero.

Ta un echo cu e situacion financiero di Arubus ta precario. Parlamentario Hart a indica cu gobierno ta na un crusada cu mester tuma decision, of ta keda haci ‘business as usual’ of ta bay soluciona e problemanan cu e gobierno anterior a laga atras. E situacion precario di Arubus ta andando pa



hopi aña caba.


Pareu cu esey, pa hopi tempo caba tin discusion andando cu trahadornan di Arubus pa mehoracion di nan CAO y condicionnan di trabou. Ta di lamenta cu e problemanan aki no

a wordo soluciona den pasado. Tambe por tuma nota cu diferente parada di bus existente ta den deterioro y tambe ta necesario pa laga traha mas parada di bus.

Parlamentario Hart

lo manda un carta na minister Dowers pa bin Parlamento di Aruba y duna claridad tocante e situacion financiero di Arubus pa asina por discuti solucionnan pa transporte publico pa Pais Aruba.

TA IMPORTANTE PA TUMA MEDIDANAN DI PRECAUCION DURANTE DIANAN DI CALOR



Durante e ultimo dianan nos por a tuma nota di un calor extenso, temperatura hopi halto y un solo fuerte. Durante e dianan cu ta sigui comunidad por bay sigui experiencia esaki cu por ta peligroso pa nos salud. Pa combati e fenomeno di naturalesa aki no ta posibel, pero si nos por tuma accion pa proteha nos mes y otronan y tambe preveni consecucionan pa

motibo di e calor extenso.

e calor aki. Ta hopi importante pa vigilanan constantemente y refresca nan curpa pa wanta e temperatura abou y hidrata nan cu suficiente likido pa evita un posibel heatstroke, cu ta un condicion hopi delicado caminda cu e curpa ta stop di soda.

E temperatura di curpa ta sigui subi mas cu 40° grado

Celsius y ta perhudica e centro di control cu ta regula e temperatura corporal den nos cerebro.

Sintomanan di un heatstroke ta:

- Temperatura corporal halto den corto tempo
- Cara y cuero cora y seco
- No ta soda mas
- Curazon ta bati dura

- Dolor di cabez
- Mente ta bira confuso y por cay flow
- Por cuminsa saca of haña diaree
- Kico pa haci den caso di un Heatstroke ?
- Busca asistencia medico mesora yama 911
- Tene e persona tranquil y den frescoe pañanan na su curpa.
- Fria e curpa cu un serbete/paña muha (cu awa friu of di cranchi)

Un actividad historico pa comision di atleta di Comitè Olimpico Arubano

ARUBA ATHLETES' COMMISSION TA ORGANISA E PROME ATHLETES' FORUM NA ARUBA



Despues di un periodo largo di preparacion y planificacion, Aruba Athletes' Commission (AAC) hunto cu Comitè Olimpico Arubano (COA) a organisa pa prome biaha den historia di Aruba un

"Athletes' Forum" unda cu alrededor di 50 atleta a participa. E foro aki a conta cu un programa varia y dinamico unda a trata diferente topico cu no ta solamente interesante, pero importante pa e



desaroyo di e atletanan como hobennan capacita den diferente ramo cu lo sirbi nan durante nan carera deportivo y despues den nan bida profesional.

Pa duna inicio na e foro aki, Presidente di COA Wanda Broeksema a comparti algun palabra unda e la elogia e comision di atleta pa e iniciativa pa organisa un evento historico cu sigur lo tin su balor agrega. Banda di esaki, a dirigi palabra na e atletanan presente, cu a representa alrededor di 10

diferente deporte unda a felicitanan pa forma parti di evento importante aki y pa muestra iniciativa di kier siña mas y engrandece nan mes como atleta y persona.

Minister di Deporte mr Gerlien Croes tambe a comparti un mensahe cu e hobennan presente, unda a duna di conoce di ta contento pa mira tanto boluntad di e hobennan pa kier forma parti di un evento educativo y asina eleva na nivel no solamente como atleta, si no como embahadornan

di e comunidad deportivo y "role models" di tur atleta na Aruba. Minister Croes a termina deseando tur atleta exito den nan trayectoria deportivo.

Comitè Olimpico Arubano ta felicita Aruba Athletes' Commission pa e organisacion di e prome Athletes' forum na Aruba. E evento aki ta muestra cu atletanan local ta desea di haya mas oportunidad di siña diferente cos nobo y tin un plataforma nacional unda por comparti cu tur otro atleta y deporte riba nos isla. #TEAMARU

Lider di Partido Otmar Oduber:

PPA A TUMA LIDERASGO DEN DIALOGO RIBA RIJKSWET

Riba 30 di januari, Partido Patriotico Arubano (PPA) a manda un carta formal na Presidente di Parlamento, solicitando un sesion pa trata e trayecto di Rijkswet. Ta te shete, casi ocho luna despues, a duna oido. Na lugar di atende e reunion aki segun nos Reglamento di Ordo, a opta pa bay contra tur ley y keda sin yama e reunion publico aki.

PPA a tuma liderasgo Keda keto, no tuma iniciativa y djis wak con algun ta dispuesto pa entre un lucha di nos antepasadonan, a pone cu fraccion di PPA a organisa ronda di consulta cu e gremionan comercial, sindical y diferente instancia. Esaki a sosode den e lunanan di juni, juli y augustus, unda cu den un sesion hopi interactivo, a scucha e puntonan di preocupacion di cada un.

“Ora cu nos a mira cu Gobierno y coalicion ta preparando pa bay Hulanda pa IPKO, sin un solo momento a consulta e instancianan local, PPA a actua inmediato. Nos a presenta un Nota di Minoría y a compartie tanto cu e fraccionnan na Hulanda como cu tur instancia relevante na Aruba. PPA ta e unico partido, cu te awe, a pone su posicion cla y raspa riba papel tocante e Rijkswet HOFA,” segun lider di partido Otmar Oduber.

Gobierno ta mudo
Mientras cu algun otro

partido a sigui e pasanan di PPA, e coalicion cu ta sostiene gobierno a keda sin un posicion firme, sin dialogo y sin transparencia cu pueblo tocante e situacion real.

Via programa na Telaruba, PPA a duna e oportunidad pa un debate profundo y profesional, cu algun experto, uzando e base legal y constitucional, reafirmando cu PPA ta para pa un Frente Nacional. “Esaki no ta un asunto di PPA, AVP, MEP ni FUTURO, esaki ta un asunto di pueblo di Aruba,” Oduber a indica. El a adverti cu e lidernan actual ta bendiendo nos autonomia pa beneficio financiero y privilegio personal, traicionando e principianan moral y di lucha di nos antepasadonan, pa logra e libertad cu nos tin awe”.

Dos caminda: para hunto of entrega nos autonomia Otmar a enfatisa cu e reunion di dialuna proximo, lo ta e di dos sesion di consulta cu e gremionan comercial, sindical y otro instancia relevante, cu Parlamentario Eduard Pieters di PPA a manda recientemente.

Durante e sesion aki, lo trata e dos camindanan pa Aruba den e caso di Rijkswet HOFA:

1. Parlamento di Aruba ta rechasa e ley y ta informa Hulanda cu no tin consensus, manera ta prescribi den e estructura di



Reino. Pa esaki tuma luga, mester tin un mayoria den Parlamento di Aruba.

2. Siguiendo e procedimiento di Reino, Parlamento por elabora un “verslag” (informe) cu ta detaya e cambio y demanda cu Aruba kier propone pa protega su autonomia.

Pero pa PPA e posicion ta cla: “E ley aki mester para. Bo no por duna boso mes un ‘brevet van onvermogen’, cu ta un certificado di incapacidad como gobierno y Parlamento. Rijkswet HOFA ta corta e autonomia constitucional di Aruba y ta contradeci e esencia mes di nos Status den Reino,” segun Oduber.

Un ley inaceptabel
“Ta tur profesor y experto di Hulanda, incluso e miembronan di iste y 2de Kamer na Hulanda, a expresa cu Rijkswet HOFA ta algo inaceptabel y ta pone un menasa directo riba e autonomia di Aruba. Nan analisis ta confirma

loke fraccion y partido PPA ta bin ta papia for di luna di januari.

HOFA ta algo inaceptabel y nan tur a indica claramente, cu e ley aki lo corta den nos independencia cu nos tin dentro di Reino pa loke ta trata nos autonomia. Tur loke nos a presenta dilanti pa e fraccion di gobierno, p’esey bo no ta scucha ni AVP ni FUTURO ta papia di e topico aki, pasobra e unico cos cu nan ta bisa ta, cu aworaki cu a entreg’e Parlamento su rol ta cuminsa pa por negosha y discuti ariba e topico aki,

asina e gobierno no por keda mudo mas,” Oduber a bisa.

Den e momento crucial aki, PPA ta yama tur partido y ciudadano di Aruba pa uni forsa. Esaki ta un momento di tuma curashi, crea union y responsabilidad nacional. Esaki no ta politica! Esaki ta nos dignidad como pueblo. Aruba no por laga otro skirbi nos destino. Nos mester scoge dignidad riba dependencia.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

Y un bes mas primicia den loke ta cera kaak di un mucha HOH TA RICIBI SCHISISTEAM DI HULANDA NA ARUBA PA DI SHETE BIAHA



Durante e prome siman di oktober un delegacion di e schisisteam di UMC St. Radboud Nijmegen a bishita Aruba pa di shete biaha. Horacio Oduber Hospital tin ya pa hopi aña un cooperacion estrecho cu e team di UMC St. Radboud Nijmegen y esaki un bes mas tabata exitoso. E meta di nan bishita ta pa brinda e experticio specifico di cuido super specialisa pa muchanan cu tin un of otro forma di schisis na Aruba y treciendo nan Aruba por preveni unda posibel traslado medico pa exterior.

Durante e siman aki a mira den forma di consulta 30 pashent entre o cu 22 aña di edad cu tin un of otro forma di schisis y banda di esaki tambe a haci operacionnan di e kaak y tambe e parti patras di e garganta yama “farynxachterwand”.

“Na Aruba tin basta mucha cu tin schisis y durante e bishita aki e dokternan ta controla e muchanan pa sa con ta bayendo, e desaroyo y tambe ki tratamiento nan tin mester ainda. Y e aña aki ta uno unico pasobra a

logra haci un operacion pa prome biaha cu ta unda a cera e kaak di dos mucha y tur cos a bay super,” Dr. Wicha Wever, pediatra a conta.

E operacion pa cera e kaak ta importante pasobra esey ta e ultimo buraco entre boca y nanishi. “Pa e operacion aki ta haci uzo di e weso di e pashent mes. Ta haci un apertura chikito den e boca di e pashent y ta saca un parti chikito di e weso for di e cachete. Djey ta midi y saca e grandura exacto y pone den e kaak,” dr. Marloes Nienhuijs, kaakchirurg-

schisischirurg UMC St. Radboud Nijmegen a conclui. Y awo cu e operacion aki a tuma luga exitosamente, pa medio di beugel por logra pa tur djente keda nechí y hunto.

E schisisteam su miembronan cu hopi experiencia for di Nijmegen ta consisti di dr. Marloes Nienhuijs, kaakchirurgschisischirurg, dr. Veronique Borstlap – Engels, orthodontist y Marjan Kloen cu ta verpleegkundig schisis consulent. Y na Aruba e team aki ta wordo reenforza cu specialistanan

local cu ta dr. Wicha Wever, pediatria, dr. Steve Cabenda, KNO arts, dr. Howard van Niel, ciruhano plastico, Fabiola Jansen, logopedista y dr. Elvinia Croes, orthodontist.

Por ultimo, dr. Wever den nomber di e pashentnan y di HOH ta desea di gradici e team di Nijmegen mirando cu e cooperacion aki ta hopi bunita pa e muchanan di Aruba.

Y alabes ta spera cu den e siguiente añanan por sigui traha hunto na bienestar di comunidad.

Dangui Oduber:

CONSENSUSRIJKSWET HOFA TA TORNO NOS STATUS APARTE Y KITA NOS LIBERTAD!

Si e consensusrijkswet HOFA bira un realidad esey lo nifica cu e gobierno di AVP-Futuro ta torno nos Status Aparte for di otro, kita nos Libertad como pais y kita nos autonomia. Gobierno ta hungando cu nos historia, cu nos dignidad y cu nos status aparte. E sakito di placa tin tanto Geoffrey Wever como Gerlien Croes blind.

Cu e consensusrijkswet HOFA, e rol y autoridad di parlamento ta wordo poni un banda. Minister di Finanzas di Aruba ta wordo poni un banda y Consejo di Minister di Aruba ta wordo poni un banda. Tur e autoridad ta wordo entrega den man di politiconan Hulandes

y den man di Consejo di Minister di Reino cu prome minister Hulandes na cabes.

Actualmente unabes Consejo di Minister di Aruba aproba presupuesto di pais Aruba e por wordo manda Parlamento di Aruba pa wordo trata. Cu e consensusrijkswet HOFA e presupuesto di Aruba mester wordo manda Rijkswesteraad na Hulanda y ta NAN lo dicidi si lo APROBA esaki. Si esaki NO kiermen perde bo Libertad y autonomia e ora mi no sa kico kiermen perde autonomia pa e gobierno di Avp-Futuro.

Loke Geoffrey Wever a demostra ta cu e no por

maneha nos finanzas publico, e ta incapaz pa tuma decisionan y incapaz pa percura pa demostra cu nos mes por. E ta duna su mes un brevet van onvermogen y miho e entrega su retiro pasobra e la demostra cu e no por maneha y controla finanzas publico sin sosten di Hulanda.

Ta insolito pa pensa cu tin politiconan cu kier entrega y bende nos pais pa un sakito di placa. Ta mas insolito pa pensa cu nan kier entrega nos finanzas publico, nos autonomia financiero siendo cu aki 5 aña caba nos debe di pais a baha bao di 50%! Aruba tin supervision financiero anca den


e landsverordening financieel toezicht, Aruba ta cumpliendo cu tur e normanan, Aruba ta pagando su debenan cu Hulanda y ya caba nos debe a baha cu 50%! Bisando esaki no tin ningun motibo valido y ningun hustificacion pa acepta e consensusrijkswet HOFA. Tristo ta cu e gobierno aki hunto su parlamentarionan di coalicion kier bende nos pais di e forma aki.

Libertad di un pais ta algo sagrado. Nos ta un pais liber desde aña 1986 y danki na e libertad aki nos pais por a prospera y progresa. Nos tin awor E Libertad pa tuma nos propio decisionan, e Libertad pa vota den nos



parlamento, e Libertad pa usa nos fondonan manera nos ta desea y tur esaki ta wordo kita for di nos cu consensusrijkswet HOFA. E pregunta principal ta keda, dicon Aruba mester acepta e consensusrijkswet HOFA???

POLIS UNIFORMA TA HAYA MAS MATERIAAL NOBO PA SIGUI EHERCE NAN TAREA DIARIO



Santa Cruz, ARUBA: Un base solido y fuerte ta e esencia strategico den nos organisacion. Esaki ta trata di hende, recurso, suficiente personal y material adecua. Tambe reconocimiento

pa e personal via posicion legal, balora nan funcion y duna e perspectiva den su desaroyo ta un di e puntunan importante pa e desaroya di nos personal.

Banda di adkision di patruyanan nobo, uniform nobo, warda di polis nobo /renoba, portofoon nobo, bodycams

y tambe innovacionnan cu material nobo pa diferente departamento. Nos ta sigui infoca pa sigui innova nos cuerpo.

Na comienso di luna polis uniforma a haya bicicleta nobo, tablets, digiboard, thermal & digital binoculars y mucho mas. Pa eleva nan ehecucion di nan trabou mas mihor ainda tambe



moviendo den un era di innovacion. Nos ta sigui traha pa un Cuerpo Policial mas profesional y moderno. KPA ta keda percura pa su polisnan ta mas

y mihor equipa pa por duna un servicio mas optimal na nos comunidad pero tambe pa seguridad di nos propio agentenan policial

ARUBA BANK A CELEBRA UN ANOCHI HUNTO CU NOS GRANDINAN HONRANDO NOS RAIZ, 100 MOTIBO PA CELEBRA



27 di oktober 2025 - Aruba Bank ta contento di por a celebra su 100 aniversario cu un evento special dedica na nos grandinan: Honrando Nos Raiz. E evento a tuma lugar diabierna ultimo na Djiespie's Place, cu musica, baile y hopi sorpresa caminda nos a honra e pilarnan di nos comunidad. E evento a reuni tur nos grandinan di tur parti

di e isla pa un anochi inolvidabel di celebracion, apreciacion y conexon. E bishitanan a disfruta di musica di DJ Metropolis, presentacionnan di baile di Grupo Curason Jong di Paradera, Dushi Vibezz a pone nos grandinan riba pia combina cu un ambiente caluroso y festivo cu ta refleha e spirito di union y gratitud cu Aruba Bank ta representa.



“Nos celebracion di cien aña no lo por ta completo sin honra e generacionnan cu a construi e base riba cual nos ta sigui crece,” a bisa Sra. Sharon Frankel, Managing Director di Aruba Bank. “Honrando Nos Raiz tabata nos manera di bisa masha danki, pa nan contribucion na e exito di nos isla.”

Mientras cu Aruba Bank ta sigui celebrando su di cien aña, e evento aki ta sirbi como un recordatorio bunita di e importancia di gratitud y conexon, balornan cu ta keda den e centro di tur local e banco ta haci.



Miembro di Parlamento Stephany Sevinger:

A dialoga cu homologonan Hulandes riba un mayor voz di Aruba den Reino



ORANJESTAD (23 di october 2025) — Aunke algun dia a pasa despues di e reunionnan di IPKO na Hulanda, Miembro di Parlamento Stephany Sevinger a bisa cu e ta sinti cu ta importante pa sigui informa e comunidad Arubano riba e discusionnan cu a tuma luga durante e bishita oficial. Segun Sevinger, durante e reunionnan a trata hopi tema importante, particularmente esunnan cu ta relaciona cu renobacion democratico

den Reino Hulandes. “Mi tabata parti di e comision over di renobacion democratico, y mi por bisa cu e parlamentario na Hulandes a muestra hopi interesa pa scucha con e islanan por ta mas activo y participativo den e reino,” Sevinger a bisa. “Un di e proposicionnan cu tabata interesante ta pa duna e Minister Plenipotenciario un rol mas fuerte y mas involucra den e reunionnan di Consejo di Minister di Reino.” Actualmente, e Minister Plenipotenciario por ta presente den e reunionnan aki, pero no tin derecho di palabra of voto efectivo. Segun Sevinger, e idea ta pa mira si por crea un manera pa e representante di e islanan den Reino tin mas peso den e discusionnan cu ta tuma luga na Hulanda. Otro punto importante cu a wordo trata ta e tema di kiesrecht – e derecho di

vota. Hulanda a propone pa considera posibilidad pa e islanan por tin voto durante eleccionnan na Hulanda. Pero Sevinger a enfatisa cu representacion sin peso no ta basta: “Nos por tin voto, pero si nos no tin influencia real riba e decisionnan cu ta tuma luga, e no ta bay cambia nada. Nos ta un pais cu casi 100 mil habitante, pero sin voz cu

tin peso,” el a agrega.

Sevinger a propone tambe un mehoramento den manera cu e Raad van State ta duna su conseho. Actualmente, Raad van State ta haci un sondeo na Hulanda mes pa wak con e leynan lo afecta e pueblo Hulandes, pero e mesun no ta tuma luga ora cu ta trata di ley cu ta toca henter reino.


“Mi ta propone cu cada bes

cu tin un tipo di Rijkswet, e Raad van State mester haci un investigacion profundo den e islanan mes, pa wak con e ley lo afecta nos pueblo,” Sevinger a conclui. Segun Sevinger, Aruba mester sigui lucha pa un participacion cu mas peso y influencia den e estructura di Reino, pa sigura cu voz di nos pueblo ta realmente tende y tuma na cuenta.

CROSSWORD WORD SEARCH PUZZLE



APPLES



ACROSS

1. a small animal you might find in an apple
4. using your hand to remove a fruit from where it is growing
6. small objects produced by a plant from which new plants can grow
10. round fruit with red, yellow, or green skin and firm white flesh
12. to divide an apple by using a knife
13. to remove the skin from an apple
14. the skin of an apple could be this color

DOWN

2. fully grown and developed and ready to be eaten
3. a tall plant that has a thick, wooden stem and many large branches
5. raw apple juice that has not been filtered
7. to put food into your mouth and chew and swallow it
8. the long, thin part of a fruit that connects it to its plant
9. what an apple does to get to the ground
11. a baked desert sometimes made with apples
12. the center part of an apple



Minister di Husticia a firma MoU cu U.S. Customs and Border Protection



Diabierna mainta, Minister Husticia mr. drs. Arthur Dowers a atende e ceremonia di firmamento

di e tratado nobo cu U.S. Customs and Border Protection (CBP). Como mandatario



responsabel pa husticia, Minister Dowers hunto cu Diane J. Sabatino, Executive Assistant Commissioner di Office of Field Operations (OFO) di CBP a firma dos MoU cu CBP relaciona cu uzo di

forsa preventivo durante di nan trabao.

E prome MoU firma ta regarda e uzo di klop, pepperspray y handboei durante eheccucion di nan trabao. E otro

MoU ta relaciona cu e cooperacion entre CBP y Inmigracion Aruba pa medio di e plataforma digital yama Automated Targeting System-Global (ATS-G) pa intercambio di informacion.

THE CASINO NA ST.REGIS ARUBA CU “HAUNTED CARDS” Y \$3000,- NA PREMIO CASH

Drenta den un anochi di misterio DIARANSON awo October 29,2025.

Bin celebra Halloween cu Mini Tsunami disfrasa y sigui gana.

Premio nan pa e miho disfrasa:

- \$100 Slot Credit
- Dinner for Two na Eskama Cucina Italiana
- Weekend Stay na St. Regis Aruba

Acumula 50 punto na machinnan di slot of \$25,- na mesa y ricibi un ticket pa participa y

gana \$3000 na premio total.

Orario nobo pa luna di October

The Casino at St. Regis Aruba cu su orario nobo di dialuna pa diabierna di 5:30PM – 2:30 am y tur diasabra y diadomingo di 7:30AM – 12PM y 5:30PM – 2:30PM, cu mas premio den luna di October 2025

Pa mas informacion, bishita nos casino “VIP Desk” of yama nos na tel: 2812374

Nos ta wardabo!



GOBIERNO DI ARUBA TA ANUNCIA UN DESTAHO PUBLICO PA SCOHE UN ARKITECTO PA RENOBACION WILHELMINASTRAAT Y SU VECINDARIO



Oranjestad, 26 october 2025 - Minister di Finansa, Asunto Economico y Sector Primario, Geoffrey Wever, acompaña pa Prome Minster Mike Eman y Minister di Infraestructura, Rene Herdè, a anuncia oficialmente e apertura di un destaho publico pa selecciona un bureau di arkitektura pa elabora un diseño integral pa e proyecto di embeyecemento di Wilhelminastraat y su vecindario. E proyecto ta forma parti di e esfuerzo continuo di Gobierno di Aruba pa revitalisa e centro di Oranjestad, stimula comercio y stimula cu Oranjestad ta bira un centro tin vivienda,

gastronomia, oficina y retail. E meta di e destaho ta pa diferente arkitecto entrega nan plan visual pa e area y despues un comision consistiendo di Gobierno di Aruba y sector priva lo scohe e plan mas bunita y mas integral pa e arkitecto cu gana e proyecto por prepara e diseño final, bestek y demas documentonan cu ta necesario pa por ehecuta e trabou di construccion. E iniciativa ta abarca e area di Wilhelminastraat number 49/62 te cu e crusada Wilhelminastraat/ Kazernestraat (excluyendo Plaza Daniel Leo), y tambe e zona di Klipstraat/ Oranjestraat, incluyendo Rifstraat y Schoolstraat.

E diseño cu lo sali for di e encargo aki lo sirbi como base pa implementacion di un plan di embeyecemento structural y estetico, cu tin como meta pa haci Oranjestad mas atractivo pa comerciante, bishitante y ciudadano. “Nos ta sigui pone enfoke riba un Oranjestad moderno, vibrante y sostenibel. E destaho publico aki ta un paso concreto den e proceso di renobacion urbano cu nos

a compromete nos mes pa realiza,” Minister Wever a declara.

- Plaso di ehecucion: 80 dia di trabou efectivo despues di emision di e carta di asignacion.
 - Disponibilidad di werkomschrijving: desde 17 october 2025, na Dienst Openbare Werken (DOW), na un costo di Afl. 250,00. Pago lo mester wordo haci na e cashier di DOW.
 - Reunion di informacion: 23 october 2025, ora 10.00 di mainta, na DOW.
 - Nota di Inlichtingen: 30 october 2025.
 - Destaho publico: 7 di november 2025, ora 11.00 di mainta, den oficina di e Director di DOW.
- Rekerimento pa inscripcion
E companianan interesa mester presenta:
- Prueba di inscripcion na Camara di Comercio di Aruba (no mas bieu cu 6 luna).
 - Copia di identificacion di e directornan di e compania.
 - Copia di declaracion di DIMP.
 - Tur otro documento indica den e descripcion di trabou.

Inscripcion mester wordo haci usando e formulario oficial cu ta inclui den e descripcion di trabou y cu ta autentica. Un compromiso pa un centro urbano sostenibel Cu e destaho publico aki, Gobierno di Aruba ta reafirma su compromiso den e Programa di Gobernacion AVP-FUTURO 2025-2028 pa revitalisa e centro



di Oranjestad, creando economico y bienestar di espacio pa crecimiento nos comunidad.





Paardenbaaistraat 10, Oranjestad, Aruba Tel.: (297) 525 - 7555

www.lottoaruba.com

Resultado: Sorteo di Merdia - October 27, 2025

CAT & CHILI Sorteo # 4785 3898 4863 9092 MULTI X X2 BIG 4 Sorteo # 4785 1564 MULTI X X2 DFF Sorteo # 2841 7614 ZODIAC Sorteo # 4785 0401 Scorpio LUCKY 3 Sorteo # 1659 349 MULTI X X2	<table> <tr> <td>LOTTO 5</td> <td>Sorteo #</td> <td>Joker Letter</td> </tr> <tr> <td>0x Jackpot</td> <td></td> <td>Proximo Jackpot</td> </tr> <tr> <td>0x Match 4+</td> <td></td> <td>210.000,-</td> </tr> <tr> <td>0x Match 4</td> <td></td> <td></td> </tr> <tr> <td>0x Afl. 12.00</td> <td></td> <td></td> </tr> </table> <table> <tr> <td>LOTTO DIA</td> <td>Sorteo #</td> <td>Proximo Jackpot</td> </tr> <tr> <td>0x Jackpot</td> <td></td> <td>102.000,-</td> </tr> <tr> <td>0x Match 4</td> <td></td> <td></td> </tr> <tr> <td>0x Afl. 8.00</td> <td></td> <td></td> </tr> </table> <table> <tr> <td>Mega MEGA</td> <td>Sorteo #</td> <td>Mega Ball</td> </tr> <tr> <td>0x Jackpot</td> <td></td> <td>Proximo Jackpot</td> </tr> <tr> <td>0x match 4</td> <td></td> <td>370.000,-</td> </tr> <tr> <td>0x Afl. 500.00</td> <td></td> <td></td> </tr> <tr> <td>0x Afl. 50.00</td> <td></td> <td></td> </tr> <tr> <td>0x Afl. 15.00</td> <td></td> <td></td> </tr> </table> <table> <tr> <td>Mega MEGA</td> <td colspan="2">Afl. 500.000,-</td> </tr> <tr> <td>KORSOU</td> <td>Sorteo #</td> <td></td> </tr> <tr> <td></td> <td></td> <td></td> </tr> <tr> <td></td> <td></td> <td></td> </tr> <tr> <td></td> <td></td> <td></td> </tr> </table>	LOTTO 5	Sorteo #	Joker Letter	0x Jackpot		Proximo Jackpot	0x Match 4+		210.000,-	0x Match 4			0x Afl. 12.00			LOTTO DIA	Sorteo #	Proximo Jackpot	0x Jackpot		102.000,-	0x Match 4			0x Afl. 8.00			Mega MEGA	Sorteo #	Mega Ball	0x Jackpot		Proximo Jackpot	0x match 4		370.000,-	0x Afl. 500.00			0x Afl. 50.00			0x Afl. 15.00			Mega MEGA	Afl. 500.000,-		KORSOU	Sorteo #										
LOTTO 5	Sorteo #	Joker Letter																																																											
0x Jackpot		Proximo Jackpot																																																											
0x Match 4+		210.000,-																																																											
0x Match 4																																																													
0x Afl. 12.00																																																													
LOTTO DIA	Sorteo #	Proximo Jackpot																																																											
0x Jackpot		102.000,-																																																											
0x Match 4																																																													
0x Afl. 8.00																																																													
Mega MEGA	Sorteo #	Mega Ball																																																											
0x Jackpot		Proximo Jackpot																																																											
0x match 4		370.000,-																																																											
0x Afl. 500.00																																																													
0x Afl. 50.00																																																													
0x Afl. 15.00																																																													
Mega MEGA	Afl. 500.000,-																																																												
KORSOU	Sorteo #																																																												
																																																													

ATSA's Members Meeting, Updates and Informs Members

Eagle beach. -- The members of the Aruba Timeshare Association, ATSA, convened for a lunch-meeting at La Cabana Beach Resort & Casino with representatives of most of the island's Vacation Ownership properties, in attendance.

The Food & Beverage team of La Cabana Beach Resort & Casino prepared a tasty and varied lunch menu, paired with the resort's signature gracious service and hospitality.

ATSA's President, Sulaiika Kelly, Playa Linda Beach Resort, welcomed members just before officially opening the meeting.

In her remarks she covered the upcoming agenda also reporting on the recent EPI Hospitality Unit students' introduction to the World of Vacation Ownership.

The interactive event, also taking place at La Cabana Beach Resort & Casino, involved a group of secondary vocational education (MBO)

students, who enjoyed an expertly organized half-day immersive program focusing on The World of Vacation Ownership.

The program, Kelly explained, was aimed at creating awareness of the career and entrepreneurial opportunities within the vacation ownership industry in Aruba.

Vicky Arens, Director, Cas di Cultura, CDC, was a special guest at the meeting. She shared the institution's history and its future plans that include a complete renovation.

Aruba's Home of Culture,

is currently fundraising towards its upcoming ambitious plans to modernize and update the facility that welcomes an average of 41.000 visitors a year, hosts an average of 130 events, with more than 280 lesson hours given to an average of 600 drama, music, and dance students. The facility also has a professional, one-of-a-kind theater, the only one in the Caribbean part of the Dutch kingdom.

According to Arens, the people living in the heart of town, the neighborhood of Mon Plaisir, at the time in 1949, understood they needed a dedicated venue for the arts to serve as home to the Aruba Music School, amateur theater, photography, film, and dance groups, they came together and built a cultural center.

The building was designed by a famous Dutch architect, and the first stone was laid in 1957. Cas di Cultura officially opened in 1958 and has been the home of the arts since.

In recent years there has been increasing talk about renovation, modernization, so that CDC may serve the community for the next 60 years. At least. Post renovations CDC will offer better backstage areas, exhibition spaces and galleries, a café/bar, and an overhauled auditorium. While the auditorium is closed, temporarily, awaiting renovations, CDC continues to operate the exhibition hall, the INCBTR, the foyer, and play host to Scol di Musica Rufo Wever, Scol di Baile

Diana Antoinette as well as other cultural activities. (For more info visit casdicultura.aw)

Arens asked ATSA members for their financial support and help to meet the renovation budget and explained the importance of culture and its strong links with tourism. She suggested on a personal note to get a CDC tote bag for just Awg 25, and promote the purchase among ATSA's employees, as an individual gesture.

The meeting then continued to covered Budget 2026, and the approval minutes from an ATSA Meeting on July 3, 2025.

In free word, many of the resorts reported major capital improvement projects going on and an abundance of product enhancements, including excellent improvement on de Palm Island which included new water elements, food & Beverage innovations, and landscaping.

In the committee presentations that followed, members expressed a great sense of anticipation at collaborating with the new Minister of Tourism on the TPEF's budget. The Tourism Product Enhancement Fund, has identified a number of local projects worthy of investment once the minister appoints new board members and shares his multi-year vision, with them. On behalf of the Hospitality and Security Foundation, Pedro Vergas, Marriott Ocean Club reported the



foundation is weighing options for increased visibility in more tourist areas.

In general, all timeshare reports reported very satisfactory levels of occupancy and a rosy outlook for the upcoming high season of 2026.

The public is invited on November 13th, Cas di

Cultura, to attend a public event with a live auction. Works by excellent local artists, will be going under the gavel include paintings and art objects by Peter van Heuvel, Rene Oude Avenhuis, Marian Abath, Eliza Lejuez, Paul Wong, Yahaira Maduro, Anita Hugen, and many more.

INVITACION TRIDIUM Y FIESTA DI SAN MARTIN DE PORRES

Reverendo pastoor Jozef Pelc y Reverendo Pader Michael Nicolaas hunto cu Comunidad San Martin de Porres y Asistencia Social di Parokia Birgen di Fatima Dakota, ta invita tur deboto, parokiano y pueblo di Aruba en general pa asisti na su tridium cuminsando diabierna awor 31 di October y diasabra 1 november, dia di tur Santo, pa 6'or di atardi den misa. Despues ta sigi Santo Sacrificio di Misa pa 7'or di anochi. Diadomingo, 2 november, dia di tur defunto, nos ta reza den kapel di Santisimo cuminsando 4'or y mei atardi. Misa lo ta pa 6'or di atardi manera custumber. Dialuna 3 november celebracion Fiesta di San Martin de Porres lo ta pa 7'or di anochi. Cuminsando 6'y 20 ta reza Santo Rosario. BOSO presencia ta altamente aprecia.


San Martin "Tata di pobernan" abo cu ta dokter di medicina natural, cura tur enfermo, specialmente esnan cu ta busca nan refugio cerca Bo..

Amen.

SOPI DI LETRANAN



CUADRADO



RECTANGULO



TRIANGULO



CIRCULO




ROMBO



CORAZON



ESTRELLA



OVALO

A	C	T	A	C	D	R	O	S	T	E
S	C	F	E	I	B	V	A	M	O	S
C	O	B	L	R	C	O	L	I	G	N
T	I	M	A	H	A	I	A	C	J	D
Q	N	C	O	L	O	D	C	K	O	A
L	O	N	C	O	L	O	D	C	K	O
E	A	R	O	M	A	T	E	S	M	E

SUDOKU

	7					3	8	5
	2					7		
8								
			3		5			
		1			6		4	
					2	8	9	
1	9			5				
6			8					9
5						1	3	2

		8				7		
9	3		4					
			3	8				5
4		3	7			9		
	6				9		8	4
5				3			1	6
	4		1	6				8
					7			

		7			4		9	2
		5		7			1	
					2	5		
		4			6			8
			2			3		7
	3	6	5					
	5							4
7			3				2	
					8			

Oracion di dia

Un feliz dia yena di hopi fe y speransa den nos bon Dios

"...sino conta e generacion venidero: esta gloria di Señor, su poder, ye cosnan milagroso c'El a haci." (Salmo 78, 4bc)
 E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. "...pa nan tambe confia denSEÑOR, no lubida Dios su obranan grandi..."(Sal 78, 7)
 Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di

Bo Maraviya.

Y inspira nan pa nan sigui conta na e siguiente generacion.
 Amen.

ARUBA SU SELECCION DI DAMAS PREPARANDO PA 2025/26 CONCACAF W QUALIFIERS



Oranjestad, Aruba – 27 di october 2025
Den siman di 20 te cu 25 di october, Aruba su Seleccion di Damas a finalisa un siman di preparacion productivo y profesional na Hulanda. Esaki ta en preparacion pa cu 2025/26 Concacaf W Qualifiers, cu lo bay tuma luga pa prome biaha na Aruba den luna di November.

Bou maneho di head coach Arjan van der Laan y su staf tecnico, Aruba su seleccion di Damas a pasa den un trainingskamp intensivo cu tabata inclui dos partido amistoso contra Sparta Rotterdam y Jong Ajax Jong.

Un ekipo yena cu hopi talentonan hoben, ta sigui desaroya y su progreso ta mas cu notabel. Aruba su team Nacional di Damas ta determina y cla pa representa Aruba cu hopi

amor y orguyo.

Aworaki cu gran expectativa nos ta na caminda pa 2025/26 Concacaf W Qualifiers na Aruba den luna di November. Nos kier yama Aruba completo pa uni hunto y ban apoya nos Damas Briyante!

Cu union, disciplina y pasion, nos damas ta representa Aruba cu dignidad.

1 team. 1 Aruba!

Clasificados


CLASSIFIEDS

SOLODIPUEBLO@GMAIL.COM
CEL. 585 9500

SOLO De Pueblo

"Ki alegria ora nan a bisa mi
Ban cas di Señor Den cas di Señor lo mi biba trankil
Bo ta mi yudansa i salvador"

A bai laga nos:



Filomena Helena Rasmijn-Werleman

mihor conosi "Mena di Coby"

*18 Augustus 1950 †18 Oktober 2025

Na number di su:

Esposo: † Coby Rasmijn
Yiunan: †Livino Rasmijn
Richard Rasmijn
†Cesar Rasmijn i famia

Nieto\ a nan: Cesmar Rasmijn, Lino Rasmijn, Merybeth Rasmijn

Nieto di crianza: Jah-zion, Jahvion Everon

Mama di nieta\ o nan: Marina Maduro

Bisanieto\ a nieta: Cesmar Junior Rasmijn, Ajay Rasmijn, Alysha Laats

Mama di su bisanietonan: Margelina Wolf (yaya)
Mayornan † Maria i †Tony Werleman

Rumannan:

Marina i †Jerry Franken i famia
†Juan i Danny Werleman i famia
†Meta i † Chan Henriquez i famia
Sita i Chemmy Dubero i famia
†Roly Werleman
Dina i Tom Croes i famia
Sylvester (Buchi) i Nevía Werleman i famia
Hellen i Roland Angela i famia
†Frenk Werleman
Rustico (Tico) Werleman i famia
Enrika i Jossy de Cuba i famia
Ricardo (Cadochi) i Erika i famia
Diana i †Calvin Subaran i famia
Vdo Lucas Geerman i famia
Vda Jacenta Geerman i famia

Omo:

Tanta:

Comer y Copernan y ihanan. Swa i cunanan den feliz memoria sobrina y sobrino i famia. Micella, Egber, Martiza, Lucho, Mao, Wandry, Odalis, Ervin, Eugene, Xiahaira, Irena, Charlene, Glenn, Merelitz, Cherry, Gwendy, Gibi, Gerald, Ernan, Yesenia, Rutmila, Jean Cluad, Thais, Genesis, Jair, Roxane, Natasha, Ryan, Stefani.

Demas sobrina i sobrino nan di su casa defunto cu a stima Mena, Primo y primanan, bisinja di Santa Helena i Santa Cruz.

Oportunidad di duna condolencia y despedi di nos Mena stima ta Diamars 28 October 2025 di 2or pa 4or di atardi na Aurora Funeral Home.

Respons ta cuminsa pa 4or Saliendo despues pa Santa Catolico na Sta.Cruz

FORTALEZA PA FAMILIA

Scirbi pa Pastor Marcel Balootje

STOP DI NEGOCIA CU DIABEL

Den Mateo 4:1-11, diabel a aserca Hesus den desierto y kier a negocia cune, bisando cu si bo ta Yiu di Dios, haci locual mi ta bisabo, y Hesus a reprende e diabel bisando; Bay for di akinan satanas, Pasobra ta para scirbi: Adora Senjor bo Dios, y sirbi E so. Y e ora ey diabel a bay laga E, y mira angelnan a bin y a sirbi E.

Cada biaha cu hende ta persisti den maldad, imoralidad, contra ordenansa y principio di Dios, buscando cierto poder material of spiritual cu no ta di Dios, nan ta bezig ta negociando cu diabel.

Cada biaha cu un persona ta persisti di biba un bida immoral, sabiendo masha bon cu esey ta bay contra boluntad di Dios e ta negociando cu diabel cual lo hibe dia pa dia mas den securidad.

Hopi biaha e bida di un hende cu ta negocia cu diabel ta muestra masha bunita, den rikesa, den materialismo, pero su



bida ta leu for di Dios, dor di pactonan cu securidad, cu den final lo caba na destruccion.

Cuanto mandatario of presidente di paisnan rond mundo no ta negocia cu diabel, pa asina keda hopi anja na poder, pero nos tur ta ripara cu semper e tipo di gobiernonan ey ta hiba e pueblo den probresa extremo, pasobra caminda tin idolatria, y negocio cu maldad pobresa ta aumenta.

Ta para scirbi den 2 Timoteo capitulo 3, 4, Efesionan 6 ya bisa cu nos lucha no ta contra carni y sanger, cu den ultimo tempo maldad, bruheria, santeria, y satanismo tambe lo lanta cabes, pasobra hende lo ninga di sigi palabra di Dios, y acepta fabula, cosnan cu ta kishiki nan horea, cosnan cu nan sa bon, cu no ta agrada Dios, y cu ta hiba na locura.

Asina cu palabra di coreccion di parti di Dios, ta pone un hende rabia, palabra di Dios ta pone un hende, bira negativo, berdad ta pone un hende, bira onsportief, y hasta e kier tuma vengansa contra esnan cu ta trece e palabra, mesora bo ta nota presencia di diabel.

Un tempo nos tabata tende di e cosnan aki, awor nos ta mira nan cu wowo cla, tur locual hende kier logra

cu no riba un base sano, cu ta bini for di man di Dios, nan ta purba di logra via di man di diabel.

E diabel tambe ta duna cos, pero e ta cobra cu bo bida, si bo no arepenti na tempo y bandona caminda di maldad,

Semper tabatin gruponan

mas cu nunca, awor cu e binida di Cristo ta serca nan manifestacion ta birando bisto cada dia mas, y tin homber y muher ta cay den nan trampa, keriendo cu ta sabi nan ta pero ta bao di dominio di maldad nan ta.

Un ladron ta pensa cu nunca polis lo gara e, un bendedornan di droga ta pensa cu e lo bende droga y bira rico, y cu su rikesa y poder lo ta pa semper, pero nos tur sa cu hopi di nan cu a laga diabel ganjanan a paga cu nan bida, of ta pasando mayoria parti di nan bida den prison.

Sea sobrio, sea alerta, boso adversario e diabel, ta cana rond manera un leon, manera un leon cu ta grunja, buscando ken e por devora. (1 Pedro 5;8).


Tene cuenta cu ora nos ta biba cu falta di pordon, yena cu rabia, y buscando vengansa nos ta negociando cu diabel. Ta tempo pa laga los.

Sinceramente, Pastor Marcel Balootje.

Gradimento & Invitacion

Nos ta gradici tur esnan cu di un manera of otro a compana nos famia den e momentonan dificil aki cu e fayecimento di nos defunto stima.

Boso sosten ta di gran consuelo pa nos curason.



Juan A.C Croes

Mihor conoci como "Ety"

Na mes momento nos ta invita famia, amigo- y conocirnan pa tres Santo Sacrificio di Misa.

- Dialuna 27 di October 2025: Misa La Birgen di Fatima na Dakota.
- Diaranson 29 di October 2025: Pro Catedral San Francisco di Asis na Oranjestad.
- Diasabra 01 November 2025: Misa Inmaculada Concepcion na Santa Cruz.

Tur tres misa ta cuminsa 7:00pm.

FOR SALE

One 2 PERSON outdoor
bathtub jacuzzi White,
6 feet long x 4 ft wide in
good condition
Price awg 1000.00
and is negotiable

Tel 5972155